



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1521. usque ad annum 1525

Fleury, Claude

August. Vind. [u.a.], 1769

VD18 90118472

§. 34. Nuncii Resposio Principibus minus accepta.

[urn:nbn:de:hbz:466:1-66495](https://nbn-resolving.org/urn:nbn:de:hbz:466:1-66495)

Sæcul. XVI
A.C. 1523

Monachos Apostatas nullas leges satis
severas condidissent, nihilominus illa ver-
ba, quæ in sine capituli habentur, declarari
debent, nimirum quod illi votorum trans-
gressores a Principe vel potestate sæculari
puniri possent; tale enim responsum est con-
tra libertatem & jus Ecclesiæ, nam si sæ-
culares auderent in eos jurisdictionem exer-
cere, esset tangere eos, qui sunt peculiari-
ter Christo reservati: nec ob transgressionem
voti, seu ob apostasiam præsumant credere
Principes, tales ad suam jurisdictionem de-
volutos esse, si delinquant in eorum territo-
riis: cum propter talem transgressionem non
desinant esse de jurisdictione Ecclesiæ. Quia
cum remaneat illis character ordinis, semper
sunt in ejusdem Ecclesiæ potestate. Unde in
tali casu Principes denuncient illos suis Epi-
scopis, vel aliis Superioribus, qui eos casti-
gent, corrigant, & si opus fuerit, pro vi-
ribus suis dictos Episcopos, seu Superiores
brachio suo juvent, & aliis præsto sint. Su-
per quibus omnibus & singulis peto ab S.R.
I. Electoribus, & Principibus, ut habita
matura deliberatione melius, clarius, sa-
nius, & consultius respondeant.

§. XXXIV.

*Nuncii responsio Principibus minus
accepta.*

Hoc Nuncii Apostolici responsum mi-
nus benigne a Principibus excipie-
batur,

batur, nec deerant, qui palam edicerent, illum tam boni quam mali rationem non juxta Germaniæ necessitates, sed ad Curia Romanæ commoda ponderasse, cum ad conservandam unitatem Catholicam satius foret, bonum facere, cujus executio expedita esset, quam malum pati, quod toleratu difficillimum videtur: Ut proin Nuntius Apostolicus perperam fuerit Germanos adhortatus, ad patienter tolerandas vexationes Curia Romanæ, cum tamen hæc nec quicquam de suis juribus cedere, nec ab oppressiõibus nisi sub vanis pollicitationibus desistere velit. Criminabantur alii, quod studio nimis exquisito Sedes Apostolica queratur, se ex eo, quod concilium celebrari fuerit petitum, fuisse offensam: cum tamen id non sine ingenti moderatione factum esset. Has ob causas re maturius discussa, Principes unanimi suffragio decernebant, Cheregato Nuncio haud aliud, ac antea responsum fore dandum, interea vero expectandum, quid Papa ad ea, quæ a Nuncio petebantur, responsurus esset. Instabat quidem Cheregatus, rogans, ut Sanctitatis suæ votis satisfaceret, sed nihil obtinens, re infecta abire cogebatur, ac nequidem expectabat literas, in quibus Natio Germanica suas querelas summo Pontifici exponere, ac de-

Sæcul. XVI.
A. C. 1523.

R 4

super

Sæcul. XVI
A. G. 1523

super responsum petere constituebat. In his Principes sæculares omnes querendi causas, quas sibi variis temporibus a Romana Curia, statuque Ecclesiastico datas fuisse credebant, corraferunt, quibus etiam addiderunt ejusdem Curie jura in Episcoporum & Abbatum jurisdictionem, atque ex his omnibus longam confecerunt epistolam, cui titulum præfigebant, *Centum gravamina*, eo quod totidem querelas contineret.

§. XXXV.

Centum gravamina a Germanis ad Papam missa.

Goldast. &
in fasc. ser.
ex. et.

Pallavic. l. 2.
c. 7.

Sleidan. l. c.
l. 4 p. 93.

Rayn. ad an.
1523 n. 28.

& 42.

Cochl. in añ.
Luth. ann.

1523 p. 85

Cum Nuncius Apostolicus discessum suum acceleraret, Principes in comitiis congregati hanc epistolam ad Pontificem transmitters cgebantur, palam rogantes, *quatenus summus Pontifex onera hæc non ferenda Germanis e medio tollere ac emendare non dedignetur*, necessariis, urgentibusque ex causis se dicebant adactos, ut ab ejusmodi malis liberari omni nisu peterent. Hæc onera articulatim a Scriptoribus Germanis recensentur, nos vero impræsentiarum nonnisi præcipua adducemus, ex quibus tamen haud difficulter prudens lector dignoscere poterit, quod hoc scriptum a Lutheranis, qui in Norimbergen-